

Et quemadmodum Caroli Quinti prudens decretum laudatur, quod in posterum Ecclesiasticę personę nullo modo rem immobilem coemere possent, absque Principum consensu. Sic Christianus Tertius æque prudenter constituit, ne Ecclesiastici aliquid vendant, absque Regis expresso mandato. Alioqui Religiosi sunt optimi provisum in toto Regno a Christiano 3 pię memorię, & Scholę particulares multis in locis erectę, veluti etiam in Islandia duę, ubi etiam habent propriam Typographiam. Vna tantum est in toto Regno Academia Hafnię, quę fundata est a Christierno primo, permissu Sixti Pontifici, anno Christi 1478. Quam Fridericus secundus, quanquam bello Suecico septennali erat implicitus, tamen locupletavit, & eius proventus sexaginta millibus thalerorum auxit.

QUARTUS, Status est *Civium & Mercatorum* in Urbibus ac Opidulis habitantium. Hi habent propria privilegia, quibus fruuntur, & his attributi sunt agri proprii ac silvę limitibus circumductę. Hi etiam mercaturam exercent in agro & Mari in omnibus partibus Europę. Ex his, quemadmodum etiam ex rusticorum liberis, eliguntur Episcopi, Canonici, Pastores & Senatores urbium, Scribę in Castris & Arcibus, magistri ac gubernatores navium, aliqui etiam horum præficiuntur Teloniis. Iudicia omnia minora, ex his constituuntur, præside interdum uno ex Nobilitate.

QUINTVS, Status est *Rusticorum*, horum duo sunt genera, primum vocant *Freibunden*, id est Liberi Concomites. Hi possident agros hæreditarios, paullulum tamen inde singulis pendunt annis. Hi etiam mercaturam & piscaturam exercent. Serviitiis præstandis non opprimuntur, nec tributa pendunt, nisi consentientibus Regni Senatoribus. Alterum genus est eorum qui non possident bona hæreditaria, sed a Rege, Nobilibus aut Ecclesiasticis personis ea conducunt, & servitia multa inde Dominis præstare coguntur, prout cum Domino agere convenerunt.

Hęc fere sunt, quę de Politia Danica exponenda mihi fuerunt, ex quibus patet Monarchiam Danicam, plenamque fuisse optime constitutam, Nobilitatemque liberam electionem Regis semper habuisse, at tamen ex familia Regia, ut antea jam dictum est, unde hoc commodi consecutum est, ne Dani intestina habuerint bella aut dissensiones, nisi quę ortę fuerunt inter Regiam familiam, quas tamen cito composuerunt, interventu aliquot Nobilium, præsertim cum Regum filii nullam capiant Regni partem.

Deinde cum omnes sint tantum Nobiles in Regno, & Baronum & Comitum Ducumque nomina & titulos ignorent, nullus tantis affluit opibus, ut iis sisus se familię Regum opponere audeat, eo quod inter filios & filias semper dividitur paterna hæreditas.

In Dania summa dignitas est Equitum quos ab ornamentis, quę illis tribuuntur Auratos vocant: sed illa nequaquam ita